

6. gr.

Stjórn sjóðsins, sem jafnframt skal vera stjórn bókasafnsins, skal annast þessar eignir samanber 3.—4. gr. þessara samþykkt. Hún skal koma saman til funda svo oft sem þörf er á, og jafnan að nýlokinni stjórnarkosningu.

7. gr.

Með skipulagsskrá þessari er úr gildi numin skipulagsskrá fyrir Willardssjóð frá 15. október 1957.

8. gr.

Leita skal staðfestingar forseta Íslands á skipulagsskrá þessari og skipulags-skráin síðan birt í B-deild Stjórnartíðinda fyrir Ísland.

5. júní 1969.

Nr. 187.

REGLUGERÐ

um breyting á reglugerð nr. 167 20. maí 1969 um póst- og símaskóla.

1. gr.

Fyrsta málsgrein 2. gr. reglugerðarinnar orðist þannig: Skólanum stjórnar 7 manna nefnd. Fimm sérfróða menn, hvern á sínu sviði, skipar póst- og símamála-stjóri til 3 ára í senn, en tvo nefndarmenn, sinn frá hvoru félagi, Félagi íslenskra símamanna og Póstmannafélagi Íslands, skipar póst- og símamálaráðherra til sama tíma.

2. gr.

Reglugerð þessi, sem sett er samkvæmt lögum nr. 8/1935, öðlast þegar gildi.

Póst- og símamálaráðherra, 5. júní 1969.

Ingólfur Jónsson.

Bragi Kristjánsson.

5. júní 1969.

Nr. 188.

AUGLÝSING

um tollfrjálsan innflutning á vistum og búnaði vísindaleiðangra.

Ráðuneytið hefur ákveðið, með heimild í 4. tl. 3. gr. tollskrárlaga, að heimila tollfrjálsan innflutning á vistum, tækjum og öðrum búnaði, sem vísindamenn og vísindaleiðangrar frá erlendum rannsóknarstofnunum og háskólum o. þ. h. hafa meðferðis frá útlöndum til notkunar við rannsóknir sínar hér á landi.

Tollundanþágan er háð eftirtöldum skilyrðum:

1. Lögð sé fram skrifleg heimild frá Rannsóknarráði ríkisins um að viðkomandi leiðangur hafi leyfi til rannsóknarstarfsemi hér á landi.
2. Að leiðangurstjóri lýsi því yfir skriflega við viðkomandi tollyfirvöld, að hinar innfluttu vörur, samkv. sundurliðaðri skrá séu eingöngu vegna viðkomandi leiðangurs og innflutt tæki og áhöld ásamt ónotuðum vistum verði flutt úr landi við brottför leiðangursins og eigi síðar en innan árs frá komu.
3. Að innfluttar vörur séu, að dómi tollyfirvalda, hæfilegar með tilliti til starfa og verksviðs leiðangursins hér á landi.

Framangreind undanþága tekur einnig til viðskiptasöluskatts.

Vafatílfelli ber að leggja fyrir ráðuneytið.

Það athugist, að framangreind tollundanþága nær ekki til áfengis- og tóbaksvara fram yfir það magn, sem heimilt er að flytja til landsins tollfrjálst í samræmi við reglur, sem gilda fyrir ferðamenn.

Framangreind ákvæði gilda jafnt þó innflutningurinn sé fluttur til landsins á annan hátt en farþegafarangur.

Fjármálaráðuneytið, 5. júní 1969.

F. h. r.

Jón Sigurðsson.

Björn Hermannsson.

REGLUGERÐ

um holræsi í Eskifjarðarhreppi.

1. gr.

Þegar hreppurinn hefur látið leggja holræsi í veg, götu eða annað opið svæði, eða þar sem hreppurinn hefur tekið að sér viðhald og endurnýjun eldri holræsa, er þeim húseigendum, er þar eiga hús í námunda við, skylt að leggja á sinn kostnað ræsi frá húsinu, er flytji allt skolp frá því út í aðalræsi. Regnvatn af húsum og lóðum skal einnig, eftir því sem unnt er, leiða í ræsi.

Vanræki einhver að láta gera holræsi innan hæfilegs frests, sem hreppsnefnd setur getur hún látið vinna verkið á kostnað húseiganda.

2. gr.

Öll framkvæmdastörf, sem holræsakerfi kaupþúsins varða, svo sem viðhald, endurbætur, viðauka og umsjón alla, annast sveitarstjóri, eða annar maður, sem hreppsnefndin felur það. Er engum heimilt að leggja ræsi í aðalræsi, nema að fengnu leyfi þessara aðila og er mönnum skylt að hlíta í öllu fyrirmælum þeirra um gerð og legu ræsis og annað þess háttar, er máli skiptir í sambandi við það.

Sveitarstjóri annast reikningshald og fjárreiður holræsagerðarinnar.

3. gr.

Kostnaður allur við aðalholræsakerfið greiðist úr sveitarsjóði. Til að standast þann kostnað ber hverjum húseiganda, sem á hús við veg, götu eða opið svæði, þar sem holræsi er lagt í, að greiða holræsagjald til hreppsins 1% — einn af hundraði — af fasteignamatsverði húseignanna árlega. Lágmarksverð skal vera kr. 100.00 á hverja íbúð.

Gjöld þessi getur hreppsnefndin hækkað eða lækkað eftir ástæðum um allt að 50%.

4. gr.

Húseigandi ber ábyrgð á greiðslu holræsagjalds gagnvart hreppsnefnd. Kröfur, sem hreppsnefndin kann að öðlast samkvæmt 1. og 3. gr., má taka lögtaki á kostnað gjaldanda, og eru gjöld þessi tryggð með lögveði í húseigninni í næstu tvö ár eftir gjalddaga með forgangsrétti fyrir hvers konar sammingsveði og aðfararveði.

Gjalddagi holræsagjalds er 1. júlí ár hvert.